



**Resumaziun dil protocol
dalla radunonza communal
dils 7 da zercladur 2022, 20.00, en casa da scola (halla)**

Tractandas

1. Beinvegni ed elecziun dils dumbravuschs
2. Approbaziun dalla gliesta da tractandas
3. Approbaziun dil protocol dalla radunonza communal dils 12-04-2022
4. Uniun Löwenberg - surselva impact lab, damonda da sustegn finanziel
5. Presentaziun ed approbaziun nova organisaziun communal, revisiun parziala dalla constituiun communal ed aboliziun dil reglament da salarisaziun
6. Elecziuns communalas
 - a) Suprastonza communal:
 - 1 president communal
 - 2 commembers (1 demissiun)
7. Fundaziun burgheisa Schluein
 - a) Elecziuns commembers dil cussegl da fundaziun (2022-2024)
8. Orientaziuns
9. Varia

1. Beinvegni ed elecziun dils dumbravuschs

Il president communal Dr. Ralf C. Schlaepfer fa in cordial beinvegni a 59 votantas e votants. Sco dumbravuschs vegnan *Kurt Pfenninger* e *Remo Wellinger* proponi.

Decisiun: La radunonza communal elegia unanim ils dus proponi sco dumbravuschs.

2. Approbaziun dalla gliesta da tractandas

Decisiun: La radunonza communal approbescha unanim la gliesta da tractandas.

3. Approbaziun dil protocol dalla radunonza communal dils 12 d'avrel 2022

Decisiun: La radunonza communal approbescha unanim il protocol dalla davosa radunonza communal.

4. Uniun Löwenberg - surselva impact lab, damonda da sustegn finanziel

Il president communal Dr. Ralf C. Schlaepfer presenta la fatschenta. La Surselva pitescha dapi entgin temps sut la depopolaziun. Era Schluein ei cheu negin'excepziun. Ei dat bunamein neginas novas interpresas d'ordeifer che vegnan neutier. Il surselva impact lab el Löwenberg ha saviu dar igl onn vargau albiert a varga 30 interpresas, a 7 da quellas permanent. Per gia saver instruir scolar(a)s primar(a)s en temas dil futur porscha l'academia dalla Surselva MIST (matematica, informatica, scienza naturala e tecnologia) divers cuors. Per porscher dapli occurrenz culturalas en vischnaunca, han liug concerts (gis da musica) sco era cuors ed occurrenz da 7 artists, ils quals han lur studios el Löwenberg. Il baghetg imasant ch'ei situau sur la vischnaunca da Schluein vegn aschia salvas d'ina ruina e survecha el futur sco liug da sentupada per la populaziun, interpretiders giuvens ed artists. Ils cuosts da sanaziun da varga frs. 5 miu., per ina gronda part per sanaziuns pretendidas dalla polizia da fiug, ein gia recaltgadas per la mesadad da fundaziuns e

donaturs privats. La contribuziun da frs. 100'000 dalla vischnaunca da Schluein ei in'impuront segn e cundiziun per ulteriuras contribuziuns dil cantun e dalla confederaziun sco era da fundaziuns per activitads communalas. L'uniun Löwenberg -surselva impact lab ei in'uniun d'intent public cun varga 90 commembers (fatschentas e privats). La suprastonza lavura dapi la fundaziun el 2021 gratuitamein.

A caschun dalla radunonza communal e in convischinas e convischins vegni informai detagliadamein davart la fatschenta. Las damondas ein vegnidadas rispundidas.

Decisiun: La radunonza communal conceda cun 38 gie encunter 15 na (6 abstenziuns) ina summa da frs. 100'000 per sustener l'uniun Löwenberg – surselva impact lab.

5. Presentaziun ed approbaziun nova organisaziun communal, revisiun parziala dalla constituziun communal ed aboliziun dil reglament da salarisaziun

Il president communal Dr. Ralf C. Schlaepfer ed Adrian Maissen presentan la fatschenta Ina cumissiun consistente dad Adrian Schlund, Adrian Maissen, Christian Alig, Roman Holderegger e Remo Wellinger ei sefatschentada cun la restructuraziun dall'organisaziun communal. La finamira duei esser da professionalisar las structuras communalas, augmentar l'efficienza en favur dils habitonts, structuras semplas, reglar niev las cumpetenzas finanzialas (adattaziun alla carischia) sco era descargar la suprastonza communal cun lavurs operativas en favur dad incumbensas strategicas e cun quei reducir il diember dallas sesidas da suprastonza communal. Entras la midada sin la nova organisaziun seresultan cuosts annuals supplementars da rodund frs. 100'000. En quei connex sto era gest la constituziun communal vegnir adattada alla lescha da vischnauncas dil cantun Grischun (LV) actuala.

A caschun dalla radunonza communal e in convischinas e convischins vegni informai detagliadamein davart la fatschenta. Las damondas ein vegnidadas rispundidas.

Decisiun: La radunonza communal approbescha cun 44 gie encunter 7 na (8 abstenziuns) la nova organisaziun communal, la revisiun parziala dalla constituziun communal e l'aboliziun dil reglament da salarisaziun.

6. Elecziuns communalas

a) Suprastonza communal:

1 president communal

Cedels entrai:	59
Cedels vits:	7
Cedels nunvaleivels:	2
Cedels valeivels:	50
Total vuschs valeivlas:	50

Pli absolut:	26
Vuschs ha retschert: Dr. Ralf C. Schlaepfer	33

2 commembers (1 demissiun)

Cedels entrai:	59
Cedels vits:	1
Cedels nunvaleivels:	0
Cedels valeivels:	58
Total vuschs valeivlas:	108

Pli absolut:	28
Vuschs ha retschert: Corsin Bearth	44
Vuschs ha retschert: Remo Wellinger	53

7. Fundaziun burgheisa Schluein

Elecziun commembers dil cussegl da fundaziun (2022-2024)

Elecziun: Adrian Maissen e Roman Holderegger vegnan elegi unanim.

8. Orientaziuns

- Luvratori communal

- Occurrenza d'informaziun project da fusiun dallas vischnauncas da Laax, Sagogn e Schluein dils 25-06-2022

9. Varia

4 convischins giavischan il plaid.

Finiziun dalla radunonza: allas 21.43.

Schluein, ils 7 da zercladur 2022

PER LA RADUNONZA COMUNALA SCHLUEIN

Il president:

Il scarvon:

Dr. Ralf C. Schlaepfer

Marco Tschuor